

湖南府縣志輯

中國地方志集成

光緒桃源縣志



K296.4
10
62

中國地方志集成

湖南府縣志輯 ⑧

光緒桃源縣志

江蘇古籍出版社●上海書店●巴蜀書社

重修桃源縣志序

桃源舊志始於前明嘉靖年萬歷中重爲補葺鼎革之後舊編放軼矣順治康熙間父老感懷舊事將拮据之而滇潘繼動適銜其阨不果居有頃遘國憂聞文教適昌臣先達羅紫羅侍御始據李彪白鈔本粗裒成帙縣令陳涵虛鍾武增輯仍由侍御秉其成當是時是編不絕如帶蓋亦危矣越二十餘年天都汪鳳趙來尹是邦侍御方賦閒居汪君比之歸然靈光敦請復修然後殿最錄去留毫芒校讎視前志加密焉嗣四十餘年藥門王瞿賓懼其久將就湮有孤涵虛鳳麓兩前令初心而侍御則悠然長往矣文孝廉曉峯起膺其責孤詣宏裁與侍御後先頡頏而是編乃燦然大備烏庫其亦禮樂中之腴宏也乎自時厥後文君卽世繼起無聞單文賡義胥飽蠹魚幸譚君良園

桃源縣志

卷之首

序一

一

作宰於七八十年後毅然以起衰爲已任遠覽周咨舉廢續絕時則道光元年也凡夫義烈闕章清芬遠韻賴以不墜則譚君修明之力爲尤偉又四十餘年後繼譚志者爲楚北羅子模而沙大令午峯楊展文鈍田實左右之無如粵逆披猖之餘叔甚秦火而羅君起事無幾亦匆遽解組去故成書上之大吏未盡滿志焉夫興圖廣狹戶口盛衰與夫城郭關隘學校隄防之沿革變遷胥已志乎是賴令距羅君又近三十寒暑矣天運人事日新月異紀載缺如後將焉稽良棟承乏斯篆凡新治舊勅義學建育嬰堂規復桃溪書院前後五六年間有闕民瘼靡不捐廉振興矧志業尤吏治之金鑑敢總其殘缺廢墜而不知兢兢耶爰聘武陵劉采九太史總持鉛槧復佐以都人士之旁搜博采不期年而厥其事書凡十二門計十六本後之任此者識民

情之趣捨考政治之得失緩急胥於是而倚藉是而底爲循良躋邑民於福林而匪余聽視所不逮良棟不佞竊拱而俟之時光緒十八年歲次壬辰嘉平月既望

欽加四品銜賞戴花翎知桃源縣事蜀東余良棟芹塘氏撰

桃源縣志

卷之首

序一

二

序二

先儒有言莫爲之前雖美而不彰莫爲之後雖盛而不傳凡事類然而於志乘爲尤切今之郡縣有志卽周官小史所掌邦國之志也至班氏爲十志而地理居其一范蔚宗改名郡國志與地理無殊唐元和郡縣志宋元豐九域志皆專志地理樂民太平寰宇記乃及人物藝文於是記錄詳而體例備矣夫疆域山川歷久不免遷變風土人物逾時亦有轉移其沿革本末傳聞則無所據其興衰不加纂輯則多所遺桃邑之有志自前明萬厯時創修以來迨道光辛巳譚贊園大令修之始變其例總爲四門其法非不簡約惟子目太繁稽考頗煩縝閭同治己巳續修仍其舊其書未盡善亟待訂正也余君芹塘明府蒞任數載百廢具興復念邑志未修非所以備典章而資考鏡爰集士紳籌議徧加採訪迺聘予同年劉君采九觀察爲總纂觀察時方主講朗江以其暇來此編集繁者刪之譌者正之尙鄙者潤色之彼夫炫奇而爲詬屈之詞飾美而徇唯阿之俗聘辭駭或失之臆斷矜宏博或誤於傳聞考訂未嘗折衷名實致不相副烏足以信今傳後哉茲志蓋有以斟酌之矣抑更有說焉邑之有志非徒以供省觀也將使司牧者察其山川關隘而籌所以隄防核其戶口物產而謀所以生聚見其節義人才而思所以鼓勵培養綜其壇廟秩祀而求所以崇奉馨香成民而致力於神胥於是乎在其關係豈淺鮮哉至甲科稱盛於先朝藝文擅場於往哲鄉賢之遺型具在詩書之流澤常存爲士者尤當景仰芳徽砥礪名節維持風化練達才猷而處爲閭里共式之品出爲

桃源縣志

卷之首

序二

一

國家大用之才卽以興起人文增輝志乘所謂名顯當世者有先

達爲之前光照後世者有後進爲之後於邑人有厚望焉

司鐸此邦瞻及六載自慙謏陋無補涓埃深幸邑志之續成爲

文物振興之象不禁鼓舞歡忻謹抒管見而爲之序

欽加五品銜揀選知縣湖南常德府桃源縣教諭謝恩燦謹撰

桃源縣志

卷之首

序二

二

序

凡邑志之修明關乎運會或遲至數十年以後甚或遲至百餘年而始一舉行非守土者軼掌簿書絕不留心於志乘則皆世變爲之也明萬厯以前舊志無復有存焉者江祿羅闕楊公諸君子皆良史才非不能出其所學以續遺薪乃流寇煽亂湖湘沅澧一帶皆爲戎馬之場當是時烽火殷天鼓鼙動地文人學士皆避寇山中雖欲從事鉛槧得乎及我

朝定鼎以來又以吳藩之變軍書絡繹邑境適當其衝令斯土者奔走供億之不服尙何暇商訂志書哉迨康熙中肅清滇境桃之民始得安輯其室家邑先達羅紫羅侍御乃纂集舊聞網羅佚事雄筆高蹈以成前賢未竟之功邑大夫橋李陳公銳意主修亦似有不容稍緩者此邑志之所由權輿也迨其後一修再修

北原縣志

卷之首

序三

一

修皆侍御苦心編輯終始其間迄二十年始臻完密志成侍御亦旋歸道山深慮遺文之零落墜緒茫茫不可復振乃又有曉峯文君繼起於雍正年間續修志書兩公先後相望抱殘守缺著爲一代鴻篇而邑令又樂成其事運會所值豈偶然哉嗣是百餘年人民安堵烽燧不驚賢令君捧檄仙源駐馬徘徊江山如畫人事代新未聞有起而興修縣志者承平日久此事猶難於創始而一聽其廢弛有心者不能無世道之憂道光元年滇西譴貨聞蒞茲土毅然以振興廢墜爲己任尅期纂修志重新一若名山石室之藏造物特畀以有待而於譚君一洩其菁華前邑令羅子模踵事增修相距僅二十餘年體例規模有譚志以爲之先導故其事易於觀成也今距羅君修志之時又二十餘年矣官與紳庶議修復未果行而蜀東余芹塘

令獨捐

廉以成善舉屬子爲之纂定遂編予既慕桃源山水之奧與命棹往遊尤樂觀其政績之賢勞民風之淳樸足以臻上考而騰頌聲運會亦於是乎有轉機也志乘之修殆猶劍首之一映也夫書成因爲之序

賜進士出身翰林院庶吉士 國史館協修三品銜前雲南補用道 武陵劉鳳苞采九氏撰

北原縣志

卷之首

序三

二

原修姓氏并序

明萬曆初年纂修

天啟三年補刻姓氏序跋俱無考

國朝

李彪白抄本

康熙四年乙巳

主修 知縣陳洪範

纂輯 邑人羅人琮

序一

修桃源縣志書成蓋屬草者紳羅君人琮省成者令陳君洪範也制劇既竣俾掌故呈書示余且請爲序余讀既卒業作而歎曰令若紳豈不誠賢乎哉夫禹貢不傳則九州之士宜不辨周

桃源縣志

卷之首

原序

禮不紀則六官之職守不明是以周衰諸侯皆去柱下之籍漢興賢相先收秦府之圖志之所係若是其重也今桃邑當干戈闢漫之餘百度彫殘之日戶口之流亡未集賦稅之冗雜未清而首以稽古爲事俾一邑之文獻斐然皆得以考其源流徵其興廢豈不爲知先務哉夫縣之有志譬之琴奕之譜善爲二藝者得心應手固不盡由於譜然而循繩引墨非譜無以致其工爲縣者時勢異宜先後異績亦不能盡合於志而志之所載人物賢愚之跡禮俗豐儉之因民物損益之端文質盛衰之故可以觀而得其大概之所存前有作者固可爲來茲之法戒後有作者亦不能外先哲之典型則斯志也烏可以已余蓋有志於閩郡之志矣緣師旅煩輿日不遑給是爲閣筆而兩君勸勵茲舉誠有先獲我心者抑余固是而感焉桃源舊屬武陵其以是

得名縣也以避秦人傳也余嘗以使輅之暇造其幽邃如淵明所記者亦屢喧遊人之展矣即所云田池雞犬縣令今得問其肥瘠驗其稔歉而籍征之矣使再有苛政深山絕壁更在何處復得飄然以去也然則爲治於斯者顧名思義可以異然深省哉與其使吾民避而疑仙以長子孫付漢晉於不知何如使吾民還而爲氓以長子孫歌帝力之何有歟近悅遠來夫子所以諗楚吏也吾亦欲舉以告今之爲楚吏者因序志而及之

序二

天下固有一事焉置之若以爲迂闊而遠於事情存之則朝重而有裨於政治者邑之有志是也昔孔子雖從周而文必監於二代又每於夏殷之禮致感於文獻之不足非獨儒者今人與

桃源縣志

卷之首

原序

二

居古人與稽以是徵宏雅也惟夫吏治之得失風俗之消漓人物之臧否禮樂之興廢或數十年而一變或百年而一變前有爲傳後有爲繼則志之所爲不可緩也桃源故屬武陵其得今名則以淵明記漁人事始謂之仙邑創爲志者遠不可考已自萬歷年間修志後遂絕筆物之將衰也必先稿其華國之將衰也必先毀其制豈不信夫

皇清

興二十餘載事之從新者多矣未有古風而書者況值兵燹頻仍瘡痍未蘇咨歎未息雖郡乘亦闕焉而茂宰橋李陳君獨能勤於是舉其用意深遠視夫沾沾以簿書期會爲能盡職者獨啻登泰岱而俯培塿汎溟渤而笑培井哉然非獨邑令之賢也聞羅君紫蘿氏寶司鉛槧羅君以辛丑名進士受銓注歸讀書山中二西之藏搜摭幾盡是爲拊拾遺文包羅散佚以成茲不

朽業而令君搜之若環寶在抱不肯讓人亦不欲掩其光怪遂付之梓天之將興斯文歟何紳與令有磁鍼之應水乳之合也由然而知令之虛已從人其相與以成善治也有如此志矣志中詩歌起自馬伏波記傳起自陶靖節代有名人讀之若披雲霞展繡飾具子驥之懷抱者雖微問津恍已置身桃花源矣喜書數語以繫其後

賜進士出身湖廣常德府推官淮南潘滋樹佑人氏題

序三

文學而切於吏治者非郡邑之志歟其山川險易足以規登陟之憂喜即以規政事之得失矣若夫人物臧否古今懲勸之所寓也農田水利戶口賦役其興革繁簡又司牧者之鑒視存焉歷代統一區宇必命史氏參訂方輿以垂示宏業而邑志實基桃源縣志卷之首

原序

三

其始分之而各志其志然後合之而統一其志志之關於吏治詎不重歟楚桃夙號仙邑古人望此以避世乃余自今上癸卯冬來令茲土值二十年鋒鏑之餘尚有遠近之遺孽未淨化僞之寤愾盈途一切奇勝靈幻之迹觸目俱成愁境不踰年而邀

朝廷之福耆定永清又賴上臺指海治術緩賦均徭舉二十年楚之歌漸成鴻飛百堵向之觸目成愁者又覺奇勝靈幻種種桑麻鷄犬之色復堪動人欣慕矣夫同此山川而憂喜頓易則存名徵實凡耳目所不能周甯得不求之記載況乎賦否勸懲興革繁簡非稽諸典故烏得云師心自用暗合古人也余簡書叢省中恒留心以購遺志而故家遺俗淪亡殆盡求諸野老亦鮮有存焉者忽一日訪之紫羅先生如在孔壁中間金石錄竹

響出其頸年遷徙往來所懷抱不釋之鈔志而共商制刷余深幸得所鑒視以爾余不敢師心之志乃猶以吏事濡遲未逮付梓會上臺以西事既平勤修文獻微行全楚而桃以夙稱仙邑多奇勝靈幻之故尤孜孜下詢遂毅然鳩工與紫羅氏共相竟業要其旁搜博採斟酌損益則盡屬紫羅氏之功余不敢攘竊惟是案牘紛繁中恒存此以自鏡則所謂吏治文學以相關誠區區素志云耳書成爰敬爲之序知縣橋李陳洪範題

序四

郡邑莫不有志蓋昉於班固之志地理所以總覽前聞徵信當代也明成化中詔儒臣纂修一統志襲括稱盛然皆於郡自爲紀邑自爲載者取之郡主合邑主專合主簡專主詳惟專且詳張本具矣故邑志尤重若乃合計天下之邑山川人物有平奇

桃源縣志

卷之首

原序

四

多寡之不同邑亦因之以分甲乙焉而鋪張塗飾之弊起後之覽者循文考實什一不符則妄什二三不符則愈妄誰操寸管將所爲直道良史古人真不相及歟余邑舊志成於萬歷初年其後無所記載又兵燹遞加天啟三年補刻復多殘缺儻殘缺僅存之帙終不可保必使高人尋幽訪勝博士稽蹟覈名輶軒觀風問俗循良察吏究善罔弗望洋而歎勸懲無所著觀感無所由吾黨之責其何能辭余假旋逾年閉戶冥搜抱膝孤吟念此耿耿用是經營舊志條其錯亂補其散失去其繁蕪訂其差謬添載數十年之逸事哀集古今名人之詩文旁搜遠覽僅乃成書至於山川靈幻古今盛稱人物瑰奇諱言色起標蹟必備嘉善弗阿匪敢貽譏庶幾近實適會邑侯陳公洞虛銳意振興百廢漸舉爰徵文獻捐俸付梓遂稱美觀

本朝幅員加廣遠過勝國文教宣訖霞布雲蒸必將表統御之盛擴

明志所未及石渠天祿之閒濟濟皇皇土壤徂流誰無同心又

甯獨余輩念此耿耿已哉邑人羅人琮紫羅氏題於最古園

康熙二十四年乙丑

主修 知縣汪此

纂修 邑人羅人琮

同修 邑人羅天韓

序一

夏后正域輒有禹貢周官辨土用職方帝王遞興紀載不一
要皆考正輶案刊定圖籍所以奠中邦而大一統也然九州異
宜四方殊尚志誌風土端自郡縣始我

朝自

桃源縣志

卷之首

原序

五

世祖章皇帝定鼎以來東西漸啟南朔暨訖幅員之廣前代莫之與

京順治中業 命天下郡邑纂修志書及我

皇上嗣統梯航之俗盡入版圖韞譯之區咸歸正朔於是

申命天下郡邑搜集勝國逸事以備合志一統之資時余備員楚屬

之桃源督修之檄屢下而遲遲未及竣事者緣楚南地當偏隅

國初締結既後中開又為尉佗逆命盤踞歷年兵燹浩劫文獻

無徵而詢之故老訪之傳聞又百不得什一紫蘿先生邑博雅

君子也烽煙搶攘之餘獨抱孤懷與前令陳君共修縣志藏之

深山借亂削平陵谷遷改而此冊歸然如靈光獨存於是出諸

枕秘抄授一冊因與刪繁訂要考信闕疑殘缺者補失次者序

舉凡建置之沿革時政之得失土田之墾蕪戶口之凋瘵以及

習尚淳漓人物盛衰靡不開卷瞭然而治之有關於吏治者具

矣他如孝子順孫義夫節婦名宦鄉賢繼流羽士有善必錄無

微弗著而志之有關於風教者具矣若夫山川名勝所在都有

而最著者無過秦人一洞自魏晉以下遊履屢喧故名人韻士

題詠尤多於是詩歌自伏波以下傳記自靖節以下悉採入志

中以資輶軒問俗之奇而志之有裨於登涉者具矣至於訪求

典故搜輯遺聞折衷前疑潤色時義則羅君紫羅實司鉛槧余

不敏僅考其成而已抑余猶有說焉方今

聖天子

留心民瘼凡各上憲加意撫綏宜桃民家可給而戶可封乃

瘡痍猶未即起者何也蓋桃本荒僻加以蹂躪譬之疴羸病廢

之人元氣殆盡善為醫者不必投以參耆但優游歷飲以養其

腸胃則民氣可得而調矣若復攻之以鍼灸投之以砒礪吾恐

治之愈急而病將日益深而不可救藥休養生息之道是在官

茲土者優游而饜飫之桃民其庶有瘳乎因志成授梓敬述數

言於簡端用是自矢且以遺諸後賢云

賜進士

出身知桃源縣事天都汪此鳳麓氏撰

序二

志異史而與史並列蓋始於禹貢詳於周禮班固以下遞相祖

述郡邑之志即職方所掌也史記事明是非定賞罰志則記其

沿革疆域山川古蹟財賦土俗治亂災祥政績人物節孝文章

雖專稱志史之道實式備之操筆者苟輕其事賸駁牴牾譌舛

挂漏使覽者遺憾其何以觀焉桃九邑耳為避秦故處頗多

名勝海內艷慕邑乘視他屬為重 國初兵燹頻仍萬曆初年

所編存者什僅一二余旁搜遠覽蒐集往略添續遺踪訂正差

錯收易曉雜眾條舉舉一目瞭然會邑侯陳君授梓遂成完書

謬為遠近嘉許復植銀逆之變原板灰燼今

皇上

治定功成振興文教命儒臣纂修一統志爰徵直省通志下索

郡縣僅以鈔本應徵魯魚亥豕脫誤頗多頃當事留意獻典微

情筆墨之務自關夙緣况係舊纂尤無容辭於是更加損益斟酌

見聞繼著一十年內所未備汪君復以長才遠學重加校訂

仍為四卷捐費選工數月卒業此蓋與舉廢墜得於政通人和

之餘至於保殘守缺討論潤色之未盡誰司鉛槧余婉甚抑余

嘗有志勝國之史矣隨季世諸野乘及通紀廣彙紀等書揆所

耳目合之何論其間比擬非倫毀譽失真彼此易事前後鮮據

往往有之豈非徇朋黨之意挾愛憎之私憑譽墓之虛文信傳

聞之臆說乎推之往代所稱輩孤良史洵難其人彈丸雖小載

桃源縣志 卷之首 原序 七

籍匪真居今監古真贗直枉之辨能勿凜然

賜進士原任四川道監察御史邑人羅人琮紫蘿甫題於最古園之

涉趣亭

雍正七年己酉

主修 知縣王良弼

纂修 邑人文 曙

同修 邑人羅天緒

同修 邑人熊逢吉

序一

粵自太史氏參訂方輿昭示宏業其紀載形勝風土人物文章

諸所嚴實大都自郡邑始邑乘之由來舊矣然必前有為傳後

有為繼文獻乃不大至於有缺我

國家運應龍飛奄有中外創業垂統奠麗河山迄我

聖祖仁皇帝天寶神靈垂裳六十餘年久道化成風醇俗美其仁育義

正之普被已自浹髓淪肌矣欽逢我

皇上繼承

大統紹述休明舉凡文物典章自 會典條教以迄圖書律例諸籍

靡不親加釐定悉求盡善為萬世楷模又復

申命各省大吏纂修通志以臻車書統備之盛由是所隸州縣亦各

搜羅載籍以俟合參在邑乘之維繫誠非淺鮮也桃源為常郡

屬邑原隸武陵自有避秦紀事遂易今名且為海內馳慕其形

勝風土人物文章歷傳未嘗無志乃兵燹之後杳矣無徵賴紫

蘿氏與前司牧陳汪兩公先後纂輯集成卷帙而桃源邑乘仍

獲秩然可觀矣但其舉事一在乙巳之歲一在乙丑之紀其去

桃源縣志 卷之首 原序 八

今則又六十餘年與四十餘年之前事中間豈無缺置及應需

增續以待繼起之搜求討論者適士紳文君曉峯邑中之通儒

也憑其素抱蘊積不憚夫續修之舉且毅然以為己任因與其

同志宿學熊君怡雲羅君慎菴搜輯遺聞折衷考較將有成局

就商於余余方以試用之命甫綰半通民事勞役不遑日昃於

此中探索之功尙須有待而文君等已勤勤是舉此誠先獲我

心者矣抑余尤有說焉邑乘者吏治風教之所觀成也有不刊

之書必先有之積余既忝牧茲土其聞之山川古蹟與夫

農田水利戶口賦役士習民風以及忠孝節義所稱形勝風土

人物文章者自必精詳畢達推類盡神務期治與時宜民安事

易頌廉儒立母忝先勞上可以端簡拜鵬恭副

聖天子留心民瘼之盛德下藉以觀型撫字待效良有司咸熙庶績

之章程正在於此也豈第爲一時紀載之虛文云爾或是爲序
要門王良弼羅賓氏題

道光元年辛巳

主修 知縣譚 震

同修 教諭楊允鐸

同修 訓導王步雲

總修 巴陵方 堃

纂修 邑人文運陞

纂修 邑人文運昌

序一

天下有物地載之古今有事史載之邑於地處之一粟志於史
身之一體也一體而駭乎疆域山川之界學校兵刑之制忠孝

桃源縣志

卷之首

原序

九

節義人物之英多金石詩賦藝文之闕富惟賢士大夫有牧民
成俗之責者徵人事驗天運學也而政治繫焉自晉陶靖節有
桃源之說或者以爲荒唐然逮宋乾德中且析武陵之屬而邑
以建今讀淵明之詩曰瀟湘既異源旋復還幽蔽俗之薄也其
源未嘗不厚革其薄而返之使歸於厚此有道者能之易三百
八十四爻稱仁者一復之初卽剝之上碩果不食是也豈割且
極變而純陰於十月之卦屬亥先以亥從木爲核繼以子從果
爲仁而象之自山下出也其象蒙其基聖源焉耳然則靖節載
筆豈不以人心俗尚之厚有取於桃之核中有仁而天一相生
則在不汨其源以迄於盛大洪惟我

聖朝仁風遠邇常郡所屬稱盛於楚余按試道經桃源境環則沅水
拱則萊蘿高吾峙其東白馬踞其西遐吁直繩邇陌如咫唱然

歎向之所謂無間津者由唐善化晉蕩平也後園明府既莅茲
士三載政成人稱百廢修舉慮舊志之日就剝蝕也修輯之加
詳焉烏慮夫亦可知政也已明府將以卓薦入都來請曰願有
敘余樂其政俗之厚而又願邦人士之恪承勿替也故爲序其
端以誌來者時道光元年辛巳秋九月

賜進士出身日講起居注官翰林院侍講教習庶吉士提督湖南學

政晉江許邦光撰

序二

邑之有志非徒辨疆域考沿革爲彈治見聞之助也將以觀風
俗之純駁稽政教之得失示標準與勸懲治究其本原澤遺乎
久遠顧知此者難其人俗吏無論已卽有一二賢明之宰或以
塵勞鞅掌未暇及焉修而明之因時而損益之犁然大備燦然

桃源縣志

卷之首

附序

十

可觀誠賢有司哉楚南桃源縣志草創於明萬曆間康熙乙巳
乙丑重修者再至雍正己酉始成書距今九十餘年官斯土者
不下數十人未有增緝之者邑於明季爲用武之地間獻二賊
先後據澧州侵邑境民鮮安處

國朝蕩平疆土時又有吳應奇據辰龍關與官軍持久不下四起
烽煙軍書旁午人人講武以自衛故俗流於剽悍而不自知舊
志之成治平未久文獻無徵多缺而未備覽者憾焉余守朗城
之次年因公事至邑譚君篋園爲邑宰相與披閱舊志按其圖
記稽其人物慨然歎曰昔馳驅戎馬之場今環繞桑麻之植昔
稱起千城之選今盡彬彬儒雅之林非

國家深仁厚澤涵濡於數百年之久其能致此乎亟宜書之簡
牒以備輶軒之採時篋園方欲重修邑志問余言而躍然起曰

天子

北原樂三

國朝文獻通考 原序

進士出身湖南常德府知府前禮部儀制主客二司掌印郎中
中憲大夫
隨帶加二級紀錄七次長洲彭希鄭撰

序三

桃邑前漢臨沅縣地後漢建武中分置沅南縣陶淵明作桃花源記或謂之仙源仙乎仙乎邑何由得此稱也淵明記殆寓言之今秋桃邑譚公篋園以政最卓薦入都引

見謙奉檄委署任甫下車書呈邑志知係篋園修輯藉悉斯邑之

疆域山川古蹟與夫農田學校戶口賦役士習民風以及忠孝節義莫不畢備固未修言仙蹟也夫志爲紀載之書上自天文下至地輿惟中人事尤詳繫繫貫貫豈誇多闕靡哉亦謂覽一邑之志卽可得治一邑之方茲桃邑舊志旣無傳後雖纂修已隔百餘年若僅踵而成之因陋就簡不思人事日新而月異往

述世遠而年湮自非搜討舊聞網羅散軼斟酌損益之宜而極體裁之善何與纂修觀斯志也殆所謂繼創爲因繼因爲創守此土舊皆藉以知敷政之方矣余蒞桃亦閱月熟察夫士習民情悉歸敦龐樸茂皆由我

國家

聖

相承涵濡教澤之人人爲至深故雖地近苗疆而漸摩日久淪
浹益周吁何其盛也聞晉國公過各村見耕者耕讀者讀昇平
無事坐見於桑麻阡陌之閒雞犬相聞優游於安飽嬉遊之樂
是又得之目觀神怡儼引入仙境也淵明記豈虛言哉卽謂
桃源爲仙源可是爲敘道光元年七月

署桃源知縣，即科舉人五涼王德謙撰。

序四

桃源縣志

卷之五

康序

十二

禹貢詳山川不詳風俗幽風紀物產不紀人才魯史則偶及禮
祥彙書則不遺雜傳其宏又與義類皆治世之獻而爲政者所
當法今之縣令卽古之侯伯提封百里因革何由而裁教養何
由而興則非詳覽邑乘不爲功邑自洞明作記人爭覽之我
朝幅員蕪前古岸澤覃敷遊秦人久安滄棧矣第當滇黔之衝明
季遭發火舊志無傳自康熙雍正間始纂成書及今又百餘年
矣人事日新景物日盛生今不輯後將焉考且舊志漫渙薄蝕
竟無一字則雖有圖治者亦無自執其樞成寅歲余任斯邑間
覽周遭雞犬桑麻隨處與洞明所記不殊又何必專指秦人古
洞爲漢人所至地哉但昔稱仙令今號塵區又民多好訟治者
難之繕思直道而行今不異古因隨時隨事廣爲引喻民皆安
余之拙而爭訟之風於焉稍息且科第蟬聯義行謁起又

高書院塔功義渡下及橋梁道路皆樂輸成功則更宜志乃就文

孝廉昆仲所鈔本延通家方冉亭纂修余定其成於其字之餘

自庚辰春至辛巳夏告竣絕者復續隱者俱顯洞天福地幽壑

奇峯按圖可考也義夫節婦孝子忠臣諸名知與也戶口賦役

農田學校秩然若立畔也碑銘篆刻詩歌文辭燦然若披錦也

前人之鑒緒益明後人之考稽有據於以備輶軒之採於以啟

勸懲之心弔古者懷伏波之孤忠覽勝者識梁松之遺愛斯足

爲治譜也哉雖然古稱移風易俗類非俗吏所能爲余日事簡

書望古循吏而多慚且履任三載又將北上桃之士民其果能

遵吾教令互相勸勉直使戶盡可封勿負我

朝重熙累洽及各大憲化民成俗之至意則此志亦至道之權輿

又豈特扶輿科取顯宦爲人才輩出之徵哉至詳略異同已載

桃源縣志

各條中不贅錄是爲序道光元年歲次辛巳

授文林郎知常德府桃源縣事戊辰科同考試官加十級紀錄十

四次卓異候補陞西譚 震撰

序五

壬午冬縣市火月黑風颶延燒書坊新修縣志版盡燬適余以

編查保甲勸捐義穀回巡役奔告乃向天禱倏轉西北風火及

衙署頭門而止雖官民無恙而百年再修之邑乘合邑人三年

之心力竟付一炬豈六丁取將耶抑向多后漏也客慰之曰赤

烏流瑞大啟周文自雀集車再增篆南離炎上先生自此升

而邑人士亦必有炳炳烺烺爲邦家之光者又何必悵然哉余

然不朽之吏治而竟泯滅無傳致湮古之民盡成澆薄上負
聖天子敦養深心此余所以急於鐫修也余去此甫九月今盡爲灰
燼此非邦人之不幸時余之辜客乃啞然笑蹶然起揖余而前
日聆子之言深得其故子去此九月復任又期年且無論志成
之後邑之節婦孝友文人耆宿取次申報祠報餐橋梁舟楫
接續修建也而最可垂諸久遠革薄從忠返民俗於淳古者莫
如吾子之編查保甲捐置義穀二大端天其或因桃邑之志已
成而未載此二端又預知吾子之去而二端隨以泯滅故命獎
惑收其版以期吾子之重鐫補錄也余日有是哉天不可知而
重鐫補錄期吾民老有所終少有所長平居無盜賊之警水旱
得倉儲之備漸返淳古是則余之志也乃督首士捐錢六百緡
閱六月而刻工告竣保甲義穀志特詳前所未備及三年內應
桃源縣志 卷之四 原序 志

吾願桃之人長存此革薄從忠之心則此志即千萬年不朽可
也時余陞任承順撫民同知瀕行爲之序道光三年仲冬月
旦

授奉政大夫湖南永順府撫民同知卸任常德府桃源縣知縣辛
巳科同考試官瀕南譚震撰 震撰 序六

志爲史體之一而方志則賅及史之全體非三長兼擅未爲完
書近代如武功靈壽諸志卓有體裁尙矣余幼聞會稽章實齋
先生之論謂志乘雖限於方隅然紀表志傳須略仿史裁觀其
地之劇易參變通焉方可備一邑之掌故而爲史家所取裁及
觀先生所成之永清志和州志信然亦憂憂乎難哉貧園譚君

宰桃源之三年以縣志百餘年未修懼後無所考殷勤編輯於道光元年辛巳夏勒成一書付諸剞劂告成未幾旋燬於火復閱度材鳩工重加鐫刻既藏事請序於余會將有開海之行而貧困亦政成報最擢任永順司馬官職分馳後會記注貧園盡心文教之意不可沒而余與貧園踪跡離合亦不可弗誌也故爲序其緣起如此至書之體例及續有增加之文備載篇章覽者詳焉道光四年正月福建汀漳龍觀察使前常德郡守張會爲撰

序七

方堃

志本於史而實本於經參於子言志而不衷諸經與子非善言志者也故裁和專命渾天三家分野之始也禹貢職方山經水注疆域之始也誌法制則周禮先之誌吏治則春秋肇之若

桃源縣志

卷之首

原序

五

夫春秋詳記忠孝節義之倫則又人物之防也尚書文典風雅句韻藝文之祖也十翼附序卦左氏有外傳拾遺之目也是故夫善志者必踵經而翼以子余師貧園譚夫子以經術爲吏治所至有循聲尤急於修舉廢墜闡發幽渺戊寅令桃以纂輯志稿屬余余謂不宗經子不足以當夫子之心因就正合符乃操經實事法制之法周官以吏戶禮兵刑工爲序則用其大綱吏治之宗春秋以編年紀述則效其細目山水法禹貢山經水經則并效其辭物產法爾雅則半參其製至於全書統以疆域政治人物藝文端則又本於朱子儀禮經傳通解之例其他師其意不必效其體而要無不衷諸古籍之遺稿有差謬夫子輒塗乙之楊木菴王槐齋兩年伯又復由此推討反復一稿或三四易蓋自戊寅迄今二秋舟車風雨未嘗不與俱也惟夫新採

人物真贋難辨余不若本邑人之熟諳文印山朱雨林兩君實分任之至明以前賢才遺逸余亦旁搜不敢謝因憶昔年有讀經癖讀山經桃山輒妄意爲淵明所記及讀史漢至馬援廖立之英傑讀鄭注至豈頭平山之奇且秀又未嘗不神往於其間前年來桃足之所履皆向之所講吉豈其有夙緣耶書成序其梗概如此至於振勵風化裨益治道天子序之繁詳矣故不贅序八

楊先鐸

邑之有志非徒記山川之秀土物之美文章術業之怪變神奇所以崇德右賢正人心厚風俗使觀者咸有所感發以興起其爲晉之心亦守土者化導之一助也桃邑自紫羅修志後百餘年未有繼者原書亦簡略開多舛謬貧園明府惜其殘缺並念忠臣孝子義士節婦久湮沒於泉壤無以教不善而勸善乃延

桃源縣志

卷之首

原序

六

公戊辰所得士冉亭方副貢纂修之方君性敏捷博學強記是學也分野星度皆手自成圖校正無遺而於山水源流關隘道里遠近獨詳傲山水經體要人或疑之者余以爲山經首五山通紀天下之山次海外四經紀五山近外之國海內四經紀五山近內之國次大荒四經又補五山近外之國終海內經又補五山近內之國水經首河水篇前自河而北後循河而南東附山澤又補南北所遺提綱挈領經緯秩然明而西安應侯武陵志以沅漸爲綱他水爲目亦本禹貢水經方君非遺也或又疑志宗史漢紀傳今參編年體不知國史一書半紀傳半編年其來已久且近世郡邑志亦有并事記機祥戰守一門用編年法者特規模未備耳是皆無所疑也且其意不在此紀星卜災祥也方域限疆界也山河村鎮識險要也戶口賦役瞻庶富也

官宦人物美政事嘉文學也而有裨於人心風俗尤在忠孝節義之有所觀感而興起焉夫忠孝出於士君子之林傳不傳不爭其名而傳之者固不以名而以實節烈出於婦人女子彼未嘗不欲人以代白其純一不二艱難辛苦之隱方其就兢詳慎必使舉不濫採不遺蓋遺則隱德不彰不足以表為善之苦心而動人以好善之意濫則奸德恩其列不足以妄實心為善之英靈而起人以飾非文過僥倖詭譎之私顯潛德於身後勸修德於生前其於人心風俗之所關非細故也讀是書也忠孝節義之心可以油然而生矣

序九

王步雲

蓋聞善作者功在創善後者功在因創與因無二旨也有實跡而特書之未嘗出自臆度斯創中之因有成編而增削之原屬桃源縣志卷之首原序

七

確有見聞斯因中有創伊古來載籍若林所以闡前光而垂奕葉者類如斯也惟志亦然雲自嘉慶十五年夏分司桃鐸接多士之容止宛見古風覽山川之靈奇如披畫本隨取縣志稽景年之所紀載考數代之所流傳其表見者皆不虛焉顧志昉自羅公人琮倡修至今百有餘歲或不免風雨蝕之蠹魚侵之而其中亦有刪所應刪補所宜補者前屢商前明府相期續刻旋因斯邑公事孔允修舉不停歲募捐不停時工匠不停役夫眾之趨負不停勞彼都人士同心同德皆駸駸乎告厥成功而於斯志仍束之高閣未果也戊寅夏譚公負園來蒞茲土從簿書執掌之暇於一切公舉或勤其成或補其缺固已備殫勤勞而於縣志尤加意續修用是集紳耆糾眾力聘名師擇巨手維時總修分校諸公按地臚跡不近蔓荒據事直書無稍徇護有前

志所略而縷具本末者有前志所詳而節其繁冗者有前志所旌而去其瑣屑者有前志所漏而表厥聲稱者其於忠孝節義為風教所重關仁壽雍和見德澤之深厚者尤為之鄭重提唱於以致世道而正人心觀斯志也靈洞發幽室之光仙源無遺珠之歎即所謂垂千百世而無以加可也抑猶有說桃邑代有秀良世多靈瑞白馬晴波之所盪漾萊蘿佳氣之所鍾毓月異而歲不同知更有奇士奇踪踵興於山巖水湄聞者未嘗不思附青雲而共顯綬驥尾而齊鞭則有待於後之君子著述繼起之力也是為序

同治八年己巳

主修 知縣羅行楷

經始 知縣余堅

桃源縣志卷之首

原序

大

同修 教諭曹鈞

同修 訓導唐正麟

纂修 邑人沙明焯

纂修 邑人郭世欽

分纂 邑人楊沅棟

分纂 邑人程啟甲

序一

予嘗供職宗府兩遇

玉牒重修誠以

聖聖相承宗室繁衍若十年一修則先後兩歧礙難遵從也因思

民間家譜固不敢上擬

天潢而各邑之乘應結十數年一修庶可仰副家國一體之意洵千

載一時也前丁巳歲子宰桂郡南平亦嘗爲之取政於千戈未靖年復一年未果歲丙寅調任茲邑彼時前百余公鎮垣方奉上憲飭任修理事未舉行遽爾交卸余接篆仍會同余公延本邑李廉沙君明焯郭君世豪主稿隨取舊志詳閱自前任譚公貧園撰修數載始成迄今四十餘年屢議續修旋復中止乃知經始之不易爰集邑紳楊沅棟等分纂并論各紳四鄉採訪捐貲若干甫及一週告厥成功所有山水人物風土民情前志載之詳矣無俟再贅但自軍興以來忠烈遞出如文君尉堂高君翼之胡君雲巖皆卓卓可紀他若端人正士以及節孝貞義正復多人如不登諸邑乘吾恐愈久或忘終歸湮沒矣以爲一邑風茲於有益世道人心足備輶軒之採者靡不據實而詳錄之書成邦人士咸稱快焉且適與予之初志相符因特誌之以待桃源縣志卷之首 原序 充

參考是爲序

欽加運同銜大計卓異題補乾州直隸軍民府知桃源縣事加十級紀錄五次羅行楷子模氏撰并書

序二

邑之有志猶國之有史史所紀錄總謂之志如周官小史掌邦國之志外史掌四方之志是以我

國家文物昌明典章燦著取縣志而薈萃之則有省志有

大清一統志之修誠不容緩矣戊辰孟夏余履司鐸任與諸紳士相見始知桃源縣志自道光辛巳續修後至今四十餘年其山川風土官績人物文學武功以及忠義孝友節烈隱逸時遷壇而事變而員邑侯子模司馬甫下車與利剗弊教化一新薄

董事以序爲請余竊惟志之修也非爲民父母者留心政治稽考文獻大率坐視爲無關體要而不肯修在身任纂輯之責者又非穿貫古今囊括史冊兼才學識三長卽修焉而議論敘述之間亦未能自成典則今取其書而覽之博採傳聞纖悉畢備異日省志底本卽以是爲之基焉方今

聖天子聲教暨訖遐邇同風不登見信而有徵哉爰書以弁其端

欽加升銜揀選知縣道光己酉科舉人常德府桃源縣教習鈞誤

序三

自古帝王代興宗廟朝廷諸大典禮樂兵農數大政與一切紀綱法度莫不有史以傳之若夫體例與史同而覽山川按圖籍考核風土人情瞭如指掌則又重有賴於志焉桃源縣志前明萬歷時修之

桃源縣志卷之首 原序 充

序

國朝康熙雍正時修之道光元年邑侯譚良園先生又修之迄今四十餘年其間人才輩出民氣敦龐與夫農田學校不無增益忠孝節烈猶待表揚及今不及懼年湮代遠將散佚而不可復收也邑人士懷此慮者亦有年歲丙寅秋七月羅公子模司馬以卓異奉

命來尹茲邑甫下車問民疾苦首以息訟相示諭繼乃進紳耆於庭

而品之曰養民教民司牧責也今者社穀儲凶荒備災而縣志不修其何以示勸懲昭法守紳耆曰唯唯於是選公正士勸城鄉捐貲司馬以楚北名儒爲湖南循吏公餘之暇總纂修事始於丙寅歲之十月告成於戊辰歲之十月遠稽近考博採士大夫私家舊述故老傳說磊落乎耳目磅礴乎胸臆一經刪定因溯洄於吏治之得失風氣之純駁民力物產之盛衰排比經

緯馳聘往復分門別類燦然大備洵可以信今而傳後也豈不
懿歟猶憶子司鐸此邑六載於茲嘗因公至鄉厯諸勝地見夫
田疇井然廬舍蔚然垂簷黃髮雞犬桑麻宛若淵明記中古風
猶存令人低徊留之不能去謂之仙源有以哉方今

聖天子作人雅化累代相承又得賢司牧振興文教俾士人薰陶其
德行涵泳其氣質本學問發為文章觸見科名鼎盛當必有致
身通顯勳高德懋益增邑乘之光者是又可為仙源預卜之也
爰敬為之序

敕授修職郎 國子監典籍銜桃源縣學訓導唐正麟寓吾氏撰

桃源縣志 卷之四 原序

三

桃源縣志纂修姓氏

主修

欽加國子銜賞戴花翎知桃源縣事加十級紀錄五次 余良棟 四川

同修

桃源縣 縣教諭 謝恩燦 長沙

桃源縣 縣訓導 黃壽長 長沙

纂修

進士出身翰林院庶吉士國史館協修三品銜前雲南補用道 劉鳳苞 武陵

分纂

國子監學正銜前署綏甯縣教諭 楊沅棟 邑人

候選訓導 向文奎 邑人

員外郎銜候選主事 張大澍 邑人

桃源縣志 卷之首 纂修姓氏

候選直隸州州判五品銜 張希榮

同知銜候選教諭 沙壽琳

總校 廩生 張贊琳

增修 廩生 劉逢然

監修

鄭家司巡 檢周浩江 浙江

新店司巡 檢曾開倬 湖北

監梓

典 史饒義成 江西

督刊

駐防把總 李殿鼐 河南

採訪

廩

生曾昭寅

增

生龍正驥

廩

生劉鴻翔

廩

人鄒超南

揀

人陳燮

恩

生劉開遜

候

生陳燮理

拔

生馮鈺

歲

生余宗伯

廩

生陳紹傳

附

生譚鴻猷

附

生郭興治

廩

生雷春哲

增

生張滋潤

廩

生羅南沅

生

員游荷華

生

員羅良奎

生

員高翔

附

生吳良秀

廩

生王起庚

廩

生徐雨泉

廩

生商彝

生

員謝炳榮

桃源縣志

卷之首

纂修姓氏

二

監

生

加

運

同

衙

姚定安

廩

生

藍顯鑑

生

員

程希洛

生

員

劉夢齡

生

員

劉鳳藻

生

員

魏榮

生

員

莊世楨

生

員

江龍輝

廩

生

馮為瑜

生

生

朱衣

生

員

胡峻臣

生

員

游寶珩

桃源縣志

卷之首

纂修姓氏

三

童

生

胡澤厚

童

生

向樞

童

員

羅維鏞

童

生

陳文琳

童

員

楊慶高

童

生

羅承烈

童

繪圖

承辦冊案

禮

書

張言雲

禮

書

禮

書

禮

書

禮

書